

M. ROBERTI HOVAEI
SCOTI,

DE

Iustificatione Ho-
minis coram
Deo:

Aphorismi Theologici,

Propositi ad publicam orationem
in inelyta Academia
Basileensi:

*De quibus respondebit 22.
Octobris*

CONRADVS VVASERVS
TIGVRINVS.

BASILEAE, TYPIS OPOR.
ANNO M. D. XC.

D. Hatfeldio Ecclesiae Harbornensis fidei
ministro, amico veteri Robertus Hovaeus scotus salutem

CLARISSIMIS VIRIS, PASTO-
RIBVS, ET SACRARVM LITERARVM
PROFESSORIBVS IN ECCLE-
sia & Schola Herbornensi.

CUM constituissem hoc tempore Aphorismos hos, quibus varietatem doctrinae celestis de Iustificatione Homini coram Deo, contra Pontificiorum errores assero, ad publicam Disputationem proponere: visus sum mihi ex officio facturus, si eos sub clarissimo vestro nomine in lucem proferrem: Memini, cum ex Academia Rostochienſi ad vos venissem, me D. Oleviani, beatæ memoriæ, singularem *Patrem* in docendo admiratum, tum primum sacris literis incumbere cœpisse: quem ut vivum colui, ita & optimi Præceptoris defuncti memoriam sacrosanctam conservo. D. Io. Piscatorem, Virum literarum sacrarum scientia, Philosophiæ studio, & trium linguarum cognitione clarissimum, & alios Viros magnæ eruditionis in Schola vestra, & sæpè & libenter audiebam. Quare si finis ex illa semente sperari potest: æquum, est aliquem saltem inde ad vos redire. Accessit & hoc, quod intellexeram Ch. Viro D. Io. Iacobo Grynæo, Academiæ nostræ Magnifico Rectori, Præceptoris meo, studium hoc meum probari: qui hac ipsa inscriptione testari etiam voluit amorem & studium suum erga Ecclesiâ in Comitatu Nassoviensi, Solmensi, & Virgenstenio, & illius stem Scholam vestram, quæ cum Ecclesiis quæ sunt in Christo in Helvetia, & alijs Provincijs, in fide consentiunt. Hanc amoris utriusque nostrum erga vos testificationem, maxime Clariss. Theologi D. Io. Iac. Grynæi, vobis gratam & jucundam fore confido. Dominus Iesus benedicat Illustri Comiti Nassovio Ioanni Patri, Ecclesiarum vestrarum benigno nutritio, & *etiam* Scholæ vestræ, ex qua magna ad Ecclesiâ Christi commoda indicia proveniunt, quæq; Academiæ huic nostræ M. Io. Buxtorpium, Lingua sanctæ & doctorem, Virum modestum & eruditum dedit, qui vos pari benevolentia & amore mecum prosequitur. Valete in Domino: ex illustri Academia Basileensi.

Octobris 1639.

Vobis addictiss.

M. Robertus Hovius Scopus.

Aphorismi Theologici, de Iustificatione Hominis coram Deo.

Aphorismus primus.

Iustificatio est actio Dei, qua hominem propter perfectam obedientiam ipsi praeitam iustum pronunciat. & participem vitae aeternae. Rom. 8. vers. 33. & 3. v. 26. & 4. v. 4. 5. Matth. 19. v. 16.

2. Obedientia hac, vel in ipso homine tanquam in subiecto inest qui iustus ab ea censetur: vel in alio quidem subiecto, sed qua homini quem iustificat Deus, imputatur. illa Nostra, hac Christi: illa Legalis, hac Evangelica dicitur. Gal. 2. 16. Roman. 10. 3. Ephes. 2. 8.

3. Legalis non tam idè dicitur, quòd obedientia huius accurata forma in Lege praescripta sit: quàm quòd Lex, Obedientiam hanc à nobis, et quidem ex nostris viribus (quas satis magnas in prima creatione dedit Deus) postulat. quam nisi praestiterimus, nos maledictioni iam esse obnoxios pronunciat. Rom. 10. 5. Deut. 6. 5. Matth. 22. 37.

4. Legalis ergo obedientia est universa Legis impletio, praestita ab eo homine qui iustus ab ea pronuntiatur: seu conformitas natura & actionum omnium, hominis illius cum Lege, qui ex ipsa iustificatur. Gal. 3. 10. 12. Rom. 2. 13. Rom. 4. 4.

5. Quare dicere, hominem iustificari per iustitiam Legis, ex Lege, ex operibus Legis, ex bonis operibus, & propria iustitia: idem est, et hac omnia retrocomeant, quod manifestè liquet ex Philip. 3. 9. Rom. 10. 3.

6. Quòd autem toties mentio operum Legis fiat, ratio est, quòd hac sola opera qua Lege praecepta sunt, promissiones habeant vitae, & ea sola placeant Deo. Ruunt ergo ἰσχυροὶ λόγοι, & observationes mandatorum hominum, ex quibus nec iustificatur quisquam, nec poterit quidem.

7. Quodquam utrum quidem, ubi omnia fecerimus, quae in Lege praecepta sunt, adiudicari nobis debeat aeterna vita, ut qui servi inutiles sumus, & fecerimus ea tantum quae facere debemus: Luc. 17. 10. tamen placuit benignissimo Deo etiam utro se obstringere ad damus implendum Legem vult.

8. Hinc vita aeterna, si per Legem impleretur in homini obtingeret, meritum & debitum diceretur, ut inquit Apostolus Rom. 4. 4.

9. Cum itaque iustificatio ex Lege perfectam auctoritatem Dei observationem requirat, patet nullum hominem qui nunquam vixit, aut vivet (Christum excipio) ex Lege iustum censeri posse. Gal. 3. 16. cum non regeneratus perpetuus peccet, regeneratus autem indies, ita ut quotidie dicat, Remitte nobis debita nostra. Iam Lex non est ex fide, id est, non promittit vitam credentibus, sed facientibus: qui fecerit ea homo, vivet in ipsis. Ergo vita ex Lege sperari non potest. Adde quod, ubi semel transgressus fueris Legem, Lex nullam habeat promissionem remittendi tibi peccata. Quod si dixeris, se saltem opere bono sequente id recompen saturation quod defuit: obsecro, cum illud ipsum opus quod facitur, es debeas, quomodo solves? Ad hac, opus quodcumque tuum bonum, peccato commisso non aequivales.

10. Ex huius rei consideratione fideles clamant Psal. 143. 2. Ne intres in iudicium cum servo tuo. Iob. 9. Quomodo iustificabit se homo cum Deo, si volueris contendere cum eo, non poteris respondere ei unum ex mille.

11. Quare cum dicimus, ex Lege seu bonis operibus, seu propria iustitia hominem non iustificari: non dicimus bona opera ad non posse facere (nam si Adamus persisteret integer, ex propria iustitia fuisset iustus) sed dicimus in hominibus iam lapsis, (lapsi autem sunt omnes) bona opera nec tanta, nec tot numero inveniri, id est, perfectam Legis impletionem non inveniri, ideoque ex Lege nullum hominem iustificari.

12. Obedientia aliena (quae Evangelicam diximus) quae homini ad iustitiam imputatur, superest, ita ut illa altera re-

mota,

nota, necesse sit eos omnes qui iustificantur, non aliunde quàm ex hac iustitia (quod quidē sit imputatione) iustos cēseri posse. Quare rectissime dicunt Orthodoxi, sola fide (alienā hanc obedientiam intelligentes) Hominem iustificari. quia Paulus dicit Gal. 2. 6. Ephes. 2. 9. Rom. 3. 24. 2. Tim. 3. 5. nō nisi per fidem: item, non ex Lege, non per Legem, nō ex operibus qua fecimus nos, sine operibus, gratis, ipsius gratia: perpetuē hac tanquā adversa immediata opponens. Cum ratione insaniant Pontificij, qui non vident, uno adverso immediato posito, alterum excludi, ideoq; hoc quod in subiecto est, solum esse, quia alterum exclusum est: nec possint esse in eodem subiecto, cum repugnent ut unum uni.

13. Evāgelica iustitia est quidem Legis impletio (siquidem alia nulla est in Dei conspectu iustitia, Gal. 4. 4. 5. Rom. 8. 3. 4. Lex per fidem stabilitur, & Deus misit Filium suum in carnem, ut ius Legis, seu iustitia Legis in nobis impleretur) sed nō est in eo qui per eā dicitur iustus, sed in alio: qua homini quem iustificat Deus, imputatur, perinde ac si illam ipse prestasset. Evāgelica dicitur, quia per Evāgelij prædicationem retegitur. Rom. 1. 17.

14. Hac est Christi obedientia, qua nobis imputatur, dum cælestis Pater illam dignatur nostram ducere: qua induti non secus in Dei conspectum prodimus, & vita æternam consequimur, quam Iacob olim indutus vestibus primogeniti Esau, patrem accedens, Esau loco habitus, obtinuit primogenituram.

15. Ergo & aliena & nō aliena dici potest. aliena est, quatenus extra nos est, & in alio subiecto, nempe Christo residet: sed aliena nō est, quatenus illud ipsum subiectum, nempe Christus, noster est: atq; adeo spiritualiter per fidē est factus unus nobiscum, ut nos ipsius membra censeamur. Ephes. 5. 30.

16. Neq; ideo obedientia illa Christi minū certō nostra esse existimanda est, quā nobis tantū imputetur, & non intra nos sit. Nam prout non omnium rerum quas possidemus ea est nā-

est natura ut intra nos sint, sic & de hac iustitia sentiendū est. Interim tamen Evangelium & Sacramenta testantur, obedientiam hanc non minus nobis verē credentibus imputari & nostram esse, quā si a nobis ipsis exhibita fuisset, & quā si nostris corporibus & animabus adhāresceret. Imō iustior & certior nobis est in merito & intercessione Mediatoris, quā si intra nos esset: quia in illo fundamento non potest labefactari, in nobis posset multis modis, prout alia dona spiritualia.

17. Quare non est quod putes imputationem hanc aliena iustitia, rem esse inanē, aut in imaginatione tantū positā. Nam sicut Christo, qui peccatum non novit, verē & reipsa imposita fuerunt nostra peccata in Dei iudicio, ideoq; & acerbissimam mortem subire cum oportuit: sic ei verē & certissimē in Dei iudicio imputatur nobis ipsius obedientia ad vitam, sicut illi nostra inobedientia ad mortem fuit imputata.

Ameza. Sed dices, Nonne Deus ita se iniustum declarabit, si alterius alicuius iustitiam habeat pro nostra? Quis, Verum quidem esset, si illa in nostri gratiam non fuisset prestita. At cum hanc, ad quam Christus non tenebatur, pro nobis presterit, & conditionem hanc acceptet Deus (nec mirum, ut qui hanc rationem reconciliandi se nobis, cum ipse invenerit) nequaquam sequitur.

28. Differunt ergo Legalis & Evangelica iustitia, nō materia aut forma: sed efficiēte & fine. Non Materia, quod utraque sit obedientia qua prestatur Deo. Non Forma, quod utriusq; norma sit Dei Lex. Deus enim nullam aliam iustitiā agnoscit, nisi qua cum hac Lege congruit.

29. Efficiente & fine differunt. Rom. 10. 5. Gal. 3. 12. Efficiente, quia iustitia Legalis sumitur pro perfecta obedientia, prestita ab illo ipso homine, qui iustus ab ea censetur. Evangelica, est perfecta Legis impletio, non quidem prestita ab ipso homine qui iustus ab ea censetur, sed a Christo, qua tamen Christi obedientia homini ad iustitiam imputatur. Fine. Nam si-
nis Evan-

nis Evangelica iustitia est gloria misericordia Dei: Legalis, est hominum magis gloria, quia haberet homo de quo gloriaretur apud Deum. Rom. 2. 27.

20. Dicitur hac iustitia aliena seu imputativa iustitia Dei, partim ab efficiente causa, quia gratis a Deo donatur, per & propter Filium: partim ab obiecto, quia sola potest ferre rigorem iudicij divini, & consistere coram tribunali Dei. Rom. 1. 17. Rom. 10. 3. & 3. 22.

21. Eodem sensu & gratia per metonymiam causa efficientis dicitur, & χάρις, Rom. 5. 15. quod ex Dei gratia nobis obveniat & nobis imputetur. quo sensu & gratis iustificari dicimur. Rom. 3. 24.

22. Hinc vita aeterna, qua iustitia effectus est, dicitur iam hereditas, donum, sicut respectu iustitia Legalis meritum & debitum dicebatur.

Ameja. At quomodo dicimur gratis iustificari, & quomodo vita aeterna donum dicitur, si propter Christi meritum iustificamur? Αὐα. Hic excluduntur merita humana, nō Christi: Christo enim magno constitit nostra salus. Quare recte dicere potes, nos meritis iustificari, quia Christi meritis iustificamur: & operibus, quia Christi operibus iustificamur.

23. Eadem iustitia respectu nostri, ut qui illam per fidem apprehendimus & nobis applicamus. Iustitia fidei dicitur, unde & fide dicimur iustificari. Rom. 4. 13.

24. Ergo dicere nos fide iustificari, perinde est ac si dicas, iustitiam nostram coram Deo esse Filij Dei obedientiam, qua fide apprehenditur, unde solet addi, per fidem Christi, Gal. 2. 16. 20. & infinitis locis, ut fidei obiectum denotetur. Et quemadmodum manus qua recipit thesaurum donatum, non dat, sed thesaurus: & os quod cibum recipit, non nutrit, sed ipse cibus: sic nec fidei opus vel actio nos iustificat, sed ipse Christus, quem fide apprehendimus.

25. Ideo quia per iustitiam fidei, obedientia Christi intelligitur,

intelligitur, semper in Scripturis iustitia fidei, iustitia Legis opponitur.

26. Et quia per fidem non ipsa fides tanquam opus, vel nova aliqua qualitas in nobis intelligitur (nam hoc supra refutavimus, & tantum abest ut fide tanquam opere iustificemur, ut potius nobis fatenda sit fidei infirmitas) sed Christi obedientia: ideo per metonymiam continentis res contenta intelligitur. Et huc redit quod alij dixerunt, nos iustificari fide, correlativè.

27. Quoscunque Deus iustificat, eos invenit impios: quemadmodum quoscunque Medicus sanat, prius invenit agrotos. Sed non quoscunque Dominus invenit impios & iustificat, relinquit impios: sed donat illis S. sanctum, qui inchoet in his novam obedientiam.

28. Licet autem is qui Christum ad iustitiam amplexus sit, eundem ad sanctificationem quoque amplectatur (ut modo dictum est) Dent. 24. 12. ita ut ipse quoque in se ipse iustus incipiat esse, Luc. 1. 6. & bonos fructus edere, qui & iustitia dicuntur, (sed inchoata: non illa perfecta imputativa quae est iustitia hominis coram Deo) & a Scholasticis & nonnullis Veterum merita, sed improprie vocantur & male, occasione sumpta ex veteri versione Hebr. 13. 16: tamen tantum abest ut hac opera hominum regemitorum sint iustitia illa, propter quam illos iustos & vitae aeternae participes pronunciat Deus, ut ne vel pars eius ulla sint. Primum, quod effecta sint iustificationis, non causa: atqui hic quaritur de causis. Secundum, quod semper polluta sint aliqua labe nostri, et pauca sint: cum iustitia ex operibus requirat obedientiam in omnibus, eamque perfectam.

29. Unde cum interrogantur Orthodoxi, cur iustificentur homines, seu propter quid? Respondent, propter Christi obedientiam. Cum autem interrogantur, quoniam sint illi, seu quales, qui iustificantur? Respondent, Homines qui sanctitati vitae student, ex fructibus arborem ostendentes, ex effectibus causam, ex sanctificatione iustificationem. Vide Psal. 15. Quare

30. Quare si ita loqui volueris, Homo operibus iustificatur, id est, comprobatur esse illa persona qua Christi obedientia iustificatur, ex vita sanctificatione, qua tanquam effectus illam sequitur & de illa testatur: recte dixeris. nam & Iacobus cap. 2. v. 21. ita loquitur. Sed id respuunt nostri Pontificij, qui bona opera non iustificationis effecta, sed causas faciunt: cum tamen necessarium sit arborem prius esse bonam, quam bonos fructus ferat: ut vel sensu communi destituti esse videantur, cum id affirmant.

31. Insignis ergo Pontificiorum calumnia est, qui, cum nos bonorum operum merita à iustificatione excludimus, calumniantur nos bona opera damnare, aut certe homines à bonorum operum studio deterere: cum tamen Apostolus, et nos cum ipso, utrumq; doceamus, & neminem operibus suis iustificari, & tamen in studium bonorum operum incumbere debere. Et ratio est, quia effectus à causa divelli nec potest, nec debet: & quos Christus iustificavit, eosdem et sanctificavit: & fideles vocationem suam firmam facere debeant. 2. Petr. 1. 10.

32. Status ergo contraversus inter Orthodoxos & hostes gratia Dei, hic est: An bona opera (qua supra iustificationis effecta diximus) iustificent hominem, seu iustificationis causa materialis sint, vel in universum & sola, ut olim Pharisaei & Iudaei bodie sentiunt: vel ex parte, ut nostri Pontificij volunt: an potius sola Christi obedientia, exclusis operibus tanquam causis socijs, sit illud quod Homini ad iustitiam imputatur, quā sententiam nos tuemur. Ergo inter nos & Pontificias (ut alios omittam) contradietio est. Cum illi dicant, nos iustitia propria iustificari: nos contra asseramus, nos iustitia aliena, id est Christi, eaq; sola iustificari. Illi bonis operibus, seu operibus Legis: nos non bonis operibus qua fecimus nos, sed Christi, seu iustitia qua est per fidem.

33. Observandum est, hic quaestionem esse de operibus hominis regentis: nā stolidè quaeretur de operibus hominis non regentis,

regentis, cum non-regentis, ut qui extra Christum est, nunquam bene agere possit.

34. Quare magna iustitia Pontificiorum est, qui hic bona opera, in Liberi arbitrij seu non-regenti hominis, & regenti ut distinguunt, cum illud primum membrum nec existerit unquam in rerum natura, nec exisset.

35. Pontificij nostri, cum viderent aperte in Scripturis nos non nisi per fidem iustificari ideoque negare non possent, Christi iustitiam, qua iustitia fidei vocatur, materialem causam iustificationis nostrae esse: missionem quandam introduxerunt, ut dicerent, nos & fide & operibus iustificari, quasi hac duo tanquam causa sociæ ad hoc æmulum qua producendum concurrerent. quæ in re diximus controversia statum positum esse.

36. Hoc figmentum Pontificiorum dupliciter refutabimus. Primo ostendemus, iustitiam Legis & Evangelij tanquam causas socias iustificationis & vitæ æternæ non posse concurrere. Secundo, iustitiam operum simpliciter & in universum ex iustificationis causis excludi ostendemus, ut planè operam perdant, qui rei alicuius, quæ prorsus non existit, concursus faciant cum re planè sola. Hac posterior pars, quæ suscepta probationis prima pars Methodi Lege esse debebat, quia longior est, secundo loco à nobis ponetur.

Non & partim nostris operibus, & partim Christi obedientia iustificari nos, hinc constat. 1. Quod cum hac repugnans ut unum uni, impossibile est illa posse concurrere. 2. Cum simpliciter antè ostensum sit, operibus nullum iustificari: frustra queritur, num fide & operibus simul? Quin ex hoc figmento Pontificio ita liceret contra Apostolum affirmare: Si ideo Apostolus dixit fide nos iustificari sine operibus, quia fide etiam iustificamur: licebit cum Pontificijs dicere, Operibus sine fide iustificamur, quia non fide tantum, sed & operibus iustificamur. Quid posset vel magis ineptum, vel blasphemum, vel repugnans menti S. sancti dicit. 3. Sequeretur Deum nec perfectè
miseri-

misericordem, nec perfectē iustum. 4. Christus talibus hominibus nihil prodest, Gal. 5. 2. 4. aut totam salutem in Christo quarant, aut totam amittant. 5. Fuit hoc figmentū causa ruse Iudeorum, Rom. 10. 3. 6. In prima Synodo, qua post Christi Ascensionem habita est, cui Apostoli interfuerunt & praesederunt, unde Apostolica dicta est, damnatus fuit hic error. 7. Postremo inquit Apostol. Gal. 5. 3. causam huius erroris ostendens: Hac persuasio non est profecta ex eo qui vocat vos, sed a Diabolo.

Sed age ipsum Paulum Apost. (quem hi, si in vivis esset, in crucem agerent, cum eos qui eandem doctrinam proficentur, crudelissimē persequantur) iustitiam Legis primō quinque rationibus destruentem, tum iustitiam fidei septem rationibus astringentem, audiamus.

Απόδειξις prima, ex contrarijs, conclusa Syllogismo disiuncto.

Homo iustificatur vel ex suis operibus, seu ex Lege: vel Christi obedientia, seu fide. Rom. 1. & 3. 20.

Non iustificatur ex operibus. Fide ergo.

Propositio cum consistet disiunctione adversorum immediatorum, illustris est & planē necessaria. necessitas enim disiunctionis pendet ex necessaria partium oppositione.

Assumptio probatur dupliciter. 1. Neg. Gentes, neque Iudaei ex operibus iustificari possunt, cum illi ex lege natura impietatis in Deum & iniustitia in proximum convincantur. Rom. 1. 18. & c. Hi ex Lege scripta Moysis, concinentibus etiam Prophetis, interpretibus ipsius Legis, peccati iidem convincantur. Rom. 2. 17. & c. & 3. 10. & c. imō adeo, ut per eos sanctum Dei nomen malē audiat etiam apud Gentes. Atqui iustitia ex Lege perfectam Legis impletionem in omni opere, ne uno quidem excepto, requirit. Male dictus qui non manserit in omnibus. 2. Ex effectu Legis. Quia per Legem cognoscimus peccatum,

non eluimus. Lex iam operatur. Rom. 3. 20. & 4. 15. Quare
concludit Apostolus: Concludimus ergo (inquit) fide iustifi-
cari hominem absq. operibus. Rom. 3. 28.

America. Quid igitur Lex? Frustra ergo lata est, si inde
non iustificamur? Legem igitur irritam facimus per fidem?
Rom. 3. 31. Auct. Nego consequentiam. Est elenchus falsi si-
nis: neq. enim in illum finem lata fuit. transgressionum (scili-
cet offendendorum) gratia addita est, Gal. 3. 19. & ut nos ad
Christum ita adduceret, nempe remittens nos ad querendum
Christi iustitiam. & sic respondet Apost. dicens, Legem stabi-
limus. Rom. 3. 3.

Kara Biquor retorques Apost. Si Lex posset vivificare, &
ob id data est, verè ex Lege esset iustitia. Atqui non est. Ostem-
dite ergo, si est. Gal. 3. 21.

Exceptio 1. Pontific. ad prosyllogismos assumptionis ab A-
postolo allatos: Verum quidem est (inquiunt) adimi iustificatio-
nem operibus quæ literaliter tantum, & liberi arbitry conatu
extra Christi gratiam fiunt, ut sunt opera hominum nondum
regeneratorum: sed non operibus quæ sunt à regentis. Resp. O-
peribus regeneratorum adimi, inde patet: quia Iudeorum operi-
bus, quos Gentibus opposuit, iustificationem adimit: adimit o-
peribus Abrahami, Dauidis, suipsius, Rom. 4. Philip. 3. 8. quos
regentos fuisse non negabunt Pontificij. Adde, cum hic de
bonis operibus agamus, non ne excludimus regentorum ope-
ra, cum y soli bene agant, non regenti nunquam bene agant?
Quare & contradictionis et inscitia accusant S. sanctum, qua-
si labores de yis excludendis quæ nusquam sunt.

Exceptio 2. Verum est, inquiunt, de Lege Ceremoniali, sed
non Morali: illa non iustificat, sed hæc. Resp. Apostolum
de Morali Lege hic loqui, hinc manifestum est: quod Iudeos
& Gentes transgressores doceat, prolatis eorum peccatis quæ
cum Decalogo pugnant. Item quod dicat, se non nosse concu-
piscenciam esse peccatum, nisi Lex dixisset, Non concupisces.

Qua

Qua Lex hoc dicit? Non' ne Decalogus? Adhuc, cum dicatur maledictus qui non manserit in omnibus quae scripta sunt in libro Legis: non' ne & transgressores Legis moralis sub voce Omnis intelligunt?

Exceptio 3. Tertium sophisma est ex temporis distinctione. Verum quidem est, inquit, cum credere incipimus, iustificamur gratis: at postea nostris meritis nobis acquirenda iustitia est. Resp. Hoc sophisma priora evertit. Deinde manifeste falsum esse, hinc patet: quod David iam diu in schola Dei versatus, dicat: Beatus vir cui non imputavit Dominus peccatum. Idem confirmat Ioan. 1. epist. 2. scribens de peccatis post susceptam fidem admisis: ostendis nos non aliter ab illis iustificari, quam eorum remissione per Christum. Huc refer & Patria credentium exemplum.

Απόδειξις 2. ex absurdo effectu posito.

Si docerentur homines ex Lege iustificari, abrogaretur Dei gratia.

Consequens est intolerabile. Ergo absurdum est antecedens, unde inferitur.

Probatur connexum: Quia frustra Filium suum in mundum misisset Deus, vel tradidisset in mortem, si alia ratione quam hac (nempe per Legem) salus hominibus obtingere potuisset. Nam si per Legem est iustitia, frustra Christus mortuus est. Gal. 2. 21. item Rom. 4. 14.

Sic pari ratione dicitur: Si Cæna Dominica perceptione salvari possunt homines, cur non statim post celebratam Cænam ascendit in caelum Christus? Contra Pontificiorum opus operatum.

Απόδειξις 3. ex remotione veri effecti.

Si ex Lege esset iustitia, ex Lege esset hereditas seu vita æterna.

Atqui non est ex Lege, quod vel ipsa vox Hereditas ostendit, & cum gratia sit, donum sit, ex promissione sit: non meritum. Gal. 3. 18. Eph. 2. 8.

Απόδειξις 4. ex positione contrarij effecti.

Per Legem cognoscimus peccatum, seu convincimur peccati. Lex iram operatur: execrationem, non liberationem.

Rom. 4. 15. Gal. 3. 10. 2 Cor. 3. 7. 9.

Non ergo per Legem iustificamur.

Ratio consequentia hac est: quoniam qui iustificatur, cum prius necesse est demonstrari esse iustum: cui e regione repugnat convinci peccati.

Απόδειξις 5. ab adiuncto tempore.

Lex lata est post promissionem gratuitam de iustificatione & vita aeterna. Gal. 3. 15. 16. 17.

Ergo ex Lege nec iustitia, nec vita.

Amen. At Lex, quae postea lata est, potuit priorem promissionem gratuitam abolere. Αὐτίς. Nullo modo potuit. & ostenditur argumento a minore:

Si hominis testamentum & promissio firma est, multo magis Dei. Gal. 3. 15.

Atqui prius est. Ergo & posterius.

Απόδειξις 6. testimonio Legis & Prophetarum astruitur iustitia fidei.

Iustitia, quae habet testimonium ex Lege & Prophetis, est illa iustitia, quae homo iustificatur. Rom. 3. 21.

Atqui sola iustitia fidei habet hoc testimonium ex Lege & Prophetis. Ergo.

Assumptio inductione horum testimoniorum probatur, quibus nulla contraria dari possunt, cum S. S. sibi ipsi non repugnet.
Gen. 3.

Gen. 3. 15. Semen mulieris conculcabit caput serpentis.

Gen. 22. 18. Benedicentur in semine tuo omnes gentes.

Ad Gal. 4. 21. adducit Apost. id quod scriptum est Gen. 21. de filiis Abraha, Ismaele quem peperit Agar, & Isaac quem peperit Sara, ostendens testimonio Legis allegorico iustitiam fidei stabiliri.

Finis Legis fuit Christus: Rom. 10. 4. ideoq. Moyses in Legis promulgatione Iudeis perpetuo in memoriam revocat gratuitam illam promissionem, patribus ipsorum factam. Gal. 3. v. 23. 24.

Circumciso fuit signaculum iustitiae fidei. Rom. 4. 11.

Omnia sacrificia & ceremonias legales, Christum & iustitiam qua est per fidem, praefigurasse, ex professo ostendit Apost. in epist. ad Heb. Confirmat id ipsum Stephanus protomartyr Act. 7.

Moyses non introduxit populum in terram promissam, sed Iosua: sic nec Legis observatio, ut qua per nos infirmatur, in vitam caelestem nos introducit, sed ille verus Iesus Messias Dei. Apost. ad Heb. 4.

Deo id esse intolerabile, ut gloria salutis & vita aeterna operibus nostris ascribatur, vel ex typo manifestum est. Quemadmodum Deo intolerabile fuit in typo, ut populus Israeliticus sibi suisq. meritis gloriam introductionis in terram Canaan ascriberet: sic neq. iam, imo multo minus ferre poterit, ut vitam aeternam operibus qua fecimus nos, ascribamus. Deut. 8. & 9. Eph. 2. 1 Cor. 1.

Iesa. 53. 11. Servus meus iustus cognitione sui iustificabit multos.

Ier. 23. 6. Vocabitur Iehova iustitia nostra.

Idem 31. cap. Novum foedus pangam cum domo Israel.

Abacuc 2. 6. Iustus fide sua vivet. citatur ab Apost. dum dicit: Nullum autem per Legem iustificari apud Deum, manifestum est: quoniam iustus ex fide vivet, teste Abacuc. Gal. 3. 11. Rom. 1. 17.

Psal.

*Psal. 32. 1. Beati quorum remissa sunt iniquitates. & contra
Psal. 143. dicit: Non iustificabitur in conspectu tuo omnis caro.
intellige ex obedientia Legis. citatur ab Apost. Rom. 4. 6. 7.
Gal. 2. 16.*

*Hinc illud est Christi Ioan. 5. 39. Scrutamini Scripturas, il-
la sunt qua testimonium perhibent de me. Quod ipsum Chri-
stus duobus discipulis proficiscentibus Emmausa, Scripturarum
inductione ostendit, Luc. 24.*

*Hinc Petrus Act. 10. 43. dicit, omnes Prophetas testimonium
perhibere de Christo, quod per ipsum accipiamus remissionem
peccatorum. Idem & Stephanus Act. 7. affirmat.*

*Et ne quis putaret Scripturam utrumq. dicere, salutem &
per Legem esse, & per Christum: Petrus Act. 4. 12. volens oc-
currere huic Pontificiorum delirio, dicit, Non esse in alio quo-
quam salutem, nec aliud nomē sub cælo datum inter homines,
per quod illos salvari oporteat. Idem Paulus Petrum Antio-
chia increpans confirmavit, Gal. 2. Idem tota Synodus Apo-
stolica, Act. 15.*

*Quare cum tanta nube testium circumdemur, confirmemur
in doctrina veritate, nempe Iustitiam fidei nobis ad salutem
imputari.*

Apostolus 7. ex collatione Parium.

*Sicut Abraham iustificatus est, sic iustificantur & omnes
quos iustificat Deus. Rom. 4. 1. 2. Gal. 3. 6.*

*Iustificatus est autem Abraham per fidem, non per Legem
(inquit Paulus) testimonio Scriptura. Gen. 12. 3.*

Quare non aliter iustificantur omnes.

*Vis connexi pendet ex parium collatione: paritatem ipse
Apostolus expresse demonstravit prolata finali causa, inqui-
ens, Non hoc propter ipsum solum scriptum esse, sed & propter
nos. Paritas duplex est: primò in Deo, qui cum sibi sem-
per similis sit, unam & eandem rationem sequitur in iu-
stificatione*

ificatione omnium hominum. neq. enim duas diversas rationes habet: sed eandem rationem & modum sequitur tam iustificandi hominem in circumcissione, quam in preputio: ita ut magis hæc identitas quam paritas dici possit. In iustificatis paritas est: 1. quia patris & filiorum credentium eadem ratio est. 2. cum Abrahami opera non veniant in rationem iustificationis, quis non videt iustificandos pares esse: & iam iustificatos, ob eandem Christi iustitiam ipsis imputatam item pares esse?

Sic ergo contra Pontificios argumentamur:

Si nullus iustificari potuisset ex operibus, certe pater credentium Abraham.

Non autem inquit Paulus: Iustificatus est ex operibus. quia si opera debent allegari, allegabitis filij immolationem, et ea qua fecit in Circumcissione.

Atqui iam tunc erat iustificatus, & quidem in preputio.

Ergo non habet Abraham ex operibus, quod gloriatur coram Deo. Rom. 4. 10.

Απόδ' ε' 8. ex collatione Similium.

Quemadmodum per Adamum peccatum introiit in omnes homines, & per peccatum mors, eo quod in Adamo omnes peccarunt: Sic per Christum iustitia introiit in omnes credentes, & per iustitiam vita, eo quod in Christo omnes credentes pro peccatis satisfecerunt.

Hoc argumentum non tantum a Similibus, sed & a Paribus est. Prorsus enim eadem est ratio. Cur in veteri Adamo peccantes magis rei fieremus mortis, quam in novo Adamo iustitia Dei satisficientes, participes aeternæ vitæ?

Απόδ' ε' 9. ex effectis.

Ex iustificatione per fidem oritur reconciliatio cum Deo, securitas conscientia, spes gloria Dei, id est, vita aeterna. Rom. 5. 1. Tit. 3. 7.

Nihil

Nihil horum oritur ex Lege: quia abest causa, nempe iustitia per Legem. Ergo iustitia fidei est tantum vera illa iustitia.

**Απόδειξις 10. ex causa efficiente, cap
prima.**

Ad doctrinam de Prædestinatione accedit Apost. Rom. 9. per prolepsin. Nam cum obijci potuerit: Si homines iustificarentur per Christi obedientiam, quem dicis esse ex Iudæis secundum carnem, & datum esse mundo ut servator: Iudæi eum vel maxime amplecterentur, & iustificarentur ipsius iustitia. ostendit conexum falsum esse: nam non tantum contingens est, sed est elenchus non causa ut causa. Quare argumentum firmissimum affert pro iustitia fidei, in quo etiam abunde satisfacit ipsorum obiectioni.

Id quos ad salutem in Christo, seu ut essent iusti in Christo, ante mundum conditum elegit Deus, ij sunt inquam, qui iustificantur per fidem.

Atqui non omnes Iudæi sunt electi.

Ergo non omnes iustificantur. Imò cum qui iustificantur, ante mundum conditum a Deo electi sint, sequitur illos operibus suis non iustificari, cum causa salutis illorum, non tantum ipsa opera, sed & operantium natiuitatem antevertat. Hinc solet Scriptura dicere, nos gratia seruari, &c. Hoc argumentum tam illustre est, ut vel ed solo as omnibus Pontificijs merito obstrui debeat.

Απόδειξις 11. item ex causa efficiente.

Qua ratione promissa est salus, eadem obtinetur.

At promissa est non implenti Legem, sed credenti.

Ergo fide tantum obtinetur. Rom. 4. 13. Gal. 3. 8. 18.

Assumptio probatur. Quia si contrarium statueretur, hoc absurdum sequeretur: nempe si salus esset promissa sub conditione implere

ne impletionis Legis, irritam esse fidem, & inanem esse promissionem: quia nullus Legem implet. Rom. 4. 14. Quare non potest non esse absurdum, unde absurda: verum, unde vera consequuntur.

Απόδ' αἰς 12. ex causa finali.

Finis iustificationis hominis coram Deo est, ut solus Deus inde celebretur, ut gloria misericordia ipsius in hominis salute innotescat, ne habeat homo in suis meritis vel viribus, de quo possit apud Deum gloriari.

Hac gloria non potest consistere, nisi homo ex fide tantum iustificetur. Labefactatur prorsus per iustitiam Legis. Rom. 4. 6. Eph. 2. 9. Rom. 3. 27. & 4. 2.

Quare & homo in hac vita, per Evangelij prädicationem, tanquam ex ore Dei, non aliter iustus pronuntiatur quam fide: & in celeberrimo illo mortalium conventu in extremo die, non aliter quam prolata gratuita Dei gratia, tanquam prima salutis causa, heres aeternae vitae censetur.

Matth. 25. 34.

